

佛法結集的原始資料分析

林崇安教授

(內觀雜誌，101期，pp.14-55，2014.01)

【摘要】

此處從南北傳佛教現存的《律藏》中，引據有關佛法結集的原始資料略作分析。這些資料表面的記載有所出入，其實只是各自描寫不同時期的演變結果而已，只要將事件配合正確的時間點就可還原出真相。所以各種資料各有其重要性。

內容

- 一、《摩訶僧祇律》相關資料 (T22, No. 1425)
- 二、《根本說一切有部毘奈耶雜事》卷 39、40 (T24, No. 1451)
- 三、《化地五分律》卷 30 (T22, No. 1421)
- 四、《四分律》卷 54 (T22, No. 1428)
- 五、《巴利律》〈小品〉第 11、12 犍度
- 六、《善見律毘婆沙》卷 1-3 (T24, No. 1462)
- 七、《十誦律》卷 60、61 (T23, No. 1435)

一、《摩訶僧祇律》相關資料

A 《摩訶僧祇律·私記》說：

中天竺昔時，暫有惡王御世，諸沙門避之四奔，三藏比丘星離，惡王既死，更有善王還請諸沙門還國供養。

時巴連弗邑有五百僧，欲斷事而無律師，又無律文無所承案，即遣人到祇洹精舍，寫得律本于今傳賞。

法顯於摩竭提國巴連弗邑阿育王塔南天王精舍，寫得梵本還楊州，以晉義熙十二年歲在丙辰十一月，於鬪場寺出之，至十四年二月末都訖，共禪師譯梵本為秦焉，故記之。

B 《高僧法顯傳》說：

法顯本求戒律，而北天竺諸國皆師師口傳，無本可寫，是以遠涉乃至中天竺，於此摩訶衍僧伽藍得一部律，是《摩訶僧祇律》，佛在世時，最初大眾所行也。[T51,864b]

【分析】

- (a) 法顯於摩竭提國華氏城（巴連弗邑）阿育王塔南天王精舍，寫得《摩訶僧祇律》的梵本回國後，與佛陀跋陀羅共同譯為中文。
- (b) 一般公認《摩訶僧祇律》比其他律藏古老，因而保留了第一結集的許多可信的記載。

《摩訶僧祇律》卷 32

【說明】

《摩訶僧祇律》是東晉佛陀跋陀羅和法顯所譯（T22, No. 1425）。其中卷 32 記載佛滅當年第一結集時結集法和律的過程。佛滅百年時有第二結集，《摩訶僧祇律》的傳承祖師當時屬於會外大眾，並非會內七百上座比丘，未參與會內上座的結集，因此《摩訶僧祇律》所保留的是第一結集時可信的結集過程。

【第一結集先結集經藏】

- (1) 時，尊者大迦葉問眾坐言：「今欲先集何藏？」
眾咸言：「先集《法藏》。」
- (2) 復問言：「誰應集者？」比丘言：「長老阿難。」
- (3) 阿難言：「不爾，更有餘長老比丘。」
又言：「雖有餘長老比丘，但世尊記汝多聞第一，汝應結集。」
- (4) 阿難言：「諸長老若使我集者，如法者隨喜，不如法者應遮，若不相應應遮，勿見尊重而不遮，是義、非義願見告語。」
眾皆言：「長老阿難！汝但集《法藏》，如法者隨喜，非法者臨時當知。」
- (5) 時，尊者阿難即作是念：「我今云何結集《法藏》？」
作是思惟已，便說經言：「如是我聞，一時佛住鬱毘羅尼連河側菩提曼陀羅。」尊者阿難適說是語，五百阿羅漢德力自在者，上

昇虛空，咸皆喟歎：「我等目見世尊，今已言聞。」悉稱南無佛已，還復本座。

(6) 爾時，阿難說此偈言：

勤修習正受，見諸法生滅，知法從緣起，離癡滅煩惱。

勤修習正受，見諸法生滅，知法從緣起，證諸法滅盡。

勤修習正受，見諸法生滅，知法從緣起，摧伏諸魔軍。

勤修習正受，見諸法生滅，知法從緣起，如日除眾冥。[T22,491c]

(7) 尊者阿難誦如是等一切《法藏》。文句長者集為《長阿含》。文句中者集為《中阿含》。文句雜者集為《雜阿含》，所謂根雜、力雜、覺雜、道雜，如是比等名為雜。一增、二增、三增乃至百增，隨其數類相從，集為《增一阿含》。雜藏者，所謂辟支佛、阿羅漢自說本行因緣，如是等比諸偈誦，是名《雜藏》。

(8) 爾時，長老阿難說此偈言：

所有八萬諸法藏，如是等法從佛聞，

所有八萬諸法藏，如是等法從他聞，

如是等法我盡持，是佛所說趣泥洹。

是名：撰集諸《法藏》。[T22,491c]

【分析】

(a) 此處《雜藏》的內容很少，只有辟支佛、阿羅漢的本生諸偈誦一項，不像上座部《雜藏》的內容，多達十四項（見後）。

(b) 此處的《法藏》（經藏）提及《長阿含》、《中阿含》、《雜阿含》、《增一阿含》，以及偈誦類的《雜藏》。但是後面傳承處則只提到《雜阿含》、《增一阿含》、《中阿含》、《長阿含》等四阿含，相較之下，後者為舊資料（原因之一是，一般認為《雜阿含》先結集出來，故置於前）。

【次結集律藏：五淨法】

(1) 次問：「誰復應集《比尼藏》者？」

有言：「長老優波離。」

(2) 優波離言：「不爾，更有餘長老比丘。」

有言：「雖有長老比丘，但世尊記長老成就十四法，除如來應供正遍知，持律第一。」

(3) 優波離言：「諸長老！若使我集者，如法者隨喜，不如法者應遮，

若不相應應遮，勿見尊重，是義、非義願見告示。」

皆言：「長老優波離但集，如法者隨喜，非法者臨時當知。」

- (4) 尊者優波離即作是念：「我今云何結集《律藏》？五淨法，如法如律隨喜，不如法律者應遮。何等五？一制限淨，二方法淨，三戒行淨，四長老淨，五風俗淨。1 制限淨者，諸比丘住處作制限，與四大教相應者用，不相應者捨，是名制限淨。2 方法淨者，國土法爾，與四大教相應者用，不相應者捨，是名方法淨。3 戒行淨者，我見某持戒比丘行是法，若與四大教相應者用，若不相應者捨，是名戒行淨。4 長老淨者，我見長老比丘尊者舍利弗、目連行此法，與四大教相應者用，不相應者捨，是名長老淨。5 風俗淨者，不得如本俗法，非時食飲酒行姪，如是一切本是俗淨，非出家淨，是名風俗淨。如是諸長老，若如法者隨喜，若不如法應遮。」

諸比丘答言：「相應者用，若不相應者臨時應當遮。」……

【結集律藏：九法序、五事記、五比尼】

- (1) 時，尊者優波離作是言：「諸長老！是九法序，何等九？一波羅夷，二僧伽婆尸沙，三二不定法，四三十尼薩耆，五九十二波夜提，六四波羅提提舍尼，七眾學法，八七滅諍法，九法隨順法，世尊在某處為某甲比丘制此戒不？」

皆言：「如是！優波離！如是。」

- (2) 優波離復言：「比尼有五事記，何等五？一者修多羅，二比尼，三義，四教，五輕重。1 修多羅者，五修多羅。2 比尼者，二部比尼略廣。3 義者，句句有義。4 教者，如世尊為刹利、婆羅門、居士說四大教法。5 輕重者，盜滿五重，滅五偷蘭遮。是名五事記比尼，長老如是應學。
- (3) 復有五比尼，何等五？一者略比尼，二者廣比尼，三者方面比尼，四者堅固比尼，五者應法比尼。1 略比尼者，五篇戒。2 廣比尼者，二部比尼。3 方面比尼者，輸奴邊地聽五事。4 堅固比尼者，受迦絺那衣捨五罪別眾食乃至不白離同食。5 應法比尼者，是中法羯磨和合羯磨，是名應法比尼。餘者非羯磨。
- (4) 如是集《比尼藏》竟，喚外千比丘入，語言：「諸長老！如是集法藏，如是集《比尼藏》。」……

【摩訶僧祇律傳承】

- (1) 此法從何處聞？從尊者道力聞《比尼》、《阿毘曇》、《雜阿含》、《增一阿含》、《中阿含》、《長阿含》。……
- (2) 佛有無量智慧，為饒益諸眾生故授優波離，優波離授陀娑婆羅，陀娑婆羅授樹提陀娑，樹提陀娑如是乃至授尊者道力，道力授我及餘人。…… [T22,493a]
是名五百結集《法藏》竟。

【分析】

- (a) 此處《法藏》（經藏）只提及四阿含：《雜阿含》、《增一阿含》、《中阿含》、《長阿含》，而無《雜藏》，保留了古說。
- (b) 《摩訶僧祇律》的傳承祖師陀娑婆羅，於第二結集時未參與會內上座結集，他不是會內七百上座比丘之一，因此卷 33 說由尊者陀娑婆羅舉行會內第二結集，顯然是後代所增。
- (c) 《摩訶僧祇律》認為第一結集是先結集《經藏》而後結集《律藏》，這是大眾部、犢子部和說有部（見下）的共通看法。《阿含經》和律藏中，佛陀多處提到「法、毗奈耶」，可知「法」在「毗奈耶」之先，佛法的不共處是「法」而非「毗奈耶」，所以先結集「法」是合理的。

《摩訶僧祇律》卷 33

【第二結集】

- (1) 七百集法藏者，佛般泥洹後，長老比丘在毘舍離沙堆僧伽藍。
爾時，諸比丘從檀越乞索，作如是哀言：「長壽！世尊在時得前食後食、衣服供養，世尊泥洹後，我等孤兒誰當見與？汝可布施僧財物。」如是哀聲而乞。
時人或與一罽利沙槃、二罽利沙槃乃至十罽利沙槃，至布薩時盛著盆中，持拘鉢量分次第而與。
- (2) 時，持律耶舍初至次得分，問言：「此是何物？」
答言：「次得罽利沙槃醫藥直。」耶舍答言：「過去。」

問言：何故過去施僧？耶舍答言：「不淨。」

諸比丘言：「汝謗僧，言不淨，此中應作舉羯磨。」即便爲作舉羯磨，作舉羯磨已。

(3) 時，尊者陀娑婆羅在摩偷羅國，耶舍即往詣彼，作是言：「長老！我被舉行隨順法。」問言：「汝何故被舉？」答言：如是如是事。彼言：「汝無事被舉，我共長老法食味食。」

(4) 耶舍聞是語已，作是言：「諸長老！我等應更集《比尼藏》，勿令佛法頽毀。」

問言：「欲何處結集？」答言：「還彼事起處。」

(5) 時，摩偷羅國僧伽舍羯闍耆、舍衛城沙祇。爾時，中國都有七百僧集，有持一部比尼、二部比尼者，又從世尊面受者、又從聲聞受者，時有凡夫、學人、無學人、三明六通、得力自在七百僧，集毘舍離沙堆僧伽藍，嚴飾床褥。爾時，大迦葉達頭路、優波達頭路、尊者阿難皆已般泥洹。

(6) 爾時，尊者耶輸陀僧上座，問言：「誰應結集《律藏》？」

諸比丘言：「尊者陀娑婆羅應結集。」

陀娑婆羅言：「長老！更有餘長老比丘應結集。」

諸比丘言：「雖有諸上座，但世尊記長老和上成就十四法，持律第一，汝從面受，應當結集。」

(7) 陀娑婆羅言：「若使我結集者，如法者隨喜，不如法者應遮。若不相應者應遮，勿見尊重，是義非義，願見告示。」

皆言：〔如是如是。〕

(8) 爾時，尊者陀娑婆羅作是念：「我今云何結集律藏？有五淨法，如法如律者隨喜，不如法者應遮。何等五？一者制限淨乃至風俗淨。」作是語：「諸長老！是九法序，何等九？從四波羅夷乃至法隨順法。世尊在某處某處爲某甲某甲比丘制戒，我從和上聞，爲如是制此戒不？」皆言：「如是如是。」

(9) 五事記比尼廣說如上，乃至「諸長老！是中須鉢者求鉢，須衣者求衣，須藥者求藥，無有方便得求金銀及錢。如是諸長老應當隨順學。」是名七百結集律藏。

【分析】

此處說由尊者陀娑婆羅舉行第二結集，這不同於所有部派的記載，顯然是後代所增。另外，其他部派都提及十事（見後），此

中只提及「求金銀及錢」一事。所以，《摩訶僧祇律》有關第二結集的傳聞不可信，也顯示出《摩訶僧祇律》的傳承祖師陀娑婆羅不是會內七百上座比丘之一。

二、《根本說一切有部毘奈耶雜事》卷 39、40

【說明】

《根本說一切有部毘奈耶雜事》是唐義淨法師譯，收入大正 24 冊, No. 1451，其中卷 39、40 記載佛滅當年第一結集時結集經律的過程，保留有可信的結集記載。至於第二結集，說一切有部述為「第二結集時，結集的七百比丘都是阿難弟子，且都是阿羅漢」，這不同於所有會內上座部派的記載。所以，說一切有部有關第二結集的傳聞較不可信，也顯示出說一切有部的傳承祖師當時並未參與第二結集。

【第一結集先結集經藏】（《雜事》卷 39）

- (1) 是時大迦攝波與五百阿羅漢，至畢鉢羅巖所，既集會已，告大眾曰：「汝等應知！於當來世有諸苾芻，鈍根散亂，若無攝頌，於經、律、論不能讀誦及以受持，是故我等宜於食前，先集攝略伽他事相應者，食後可集經、律及論。」
時，諸苾芻聞是語已，白尊者言：「今可先集伽他。」
- (2) 既至食後，白言：「先集何者？」
尊者告曰：「宜先集《經》。」
- (3) 時，五百阿羅漢各共同請大迦攝波昇師子座。尊者登座告阿難陀曰：「具壽！頗能簡擇結集如來所說經不？」
答曰：「能。」
- (4) 尊者即便作白：「大德僧伽聽！此具壽阿難陀能為簡擇結集如來所說經法，若僧伽時至，聽者僧伽應許，僧伽今差具壽阿難陀，為欲簡擇結集如來所說經法。」白：如是。次作羯磨：
「大德僧伽聽！此具壽阿難陀，能為簡擇結集如來所說經法，僧伽今差具壽阿難陀，為欲簡擇結集如來所說經法，若諸具壽聽阿難陀為欲簡擇結集如來所說經法者默然，若不許者說。僧伽已與具壽阿難陀，為欲簡擇、結集如來所說經法竟，僧伽已聽許，由其默然，故我今如是持。」

- (5) 時，具壽阿難陀既欲說法，五百阿羅漢各各皆以僧伽胝衣，敷其座上。
- (6) 時，阿難陀四邊顧望，於諸有情發悲愍念，於正法中極生尊重，於梵行者起敬仰心，右繞高座低頭申敬，於上座前依法敬禮作無常想，以手按座正身端坐，次審觀察見諸聖眾，猶如甚深湛然大海，便作是念：「我於佛所親聞是經，或有傳說或龍宮說，或天上說，悉皆受持而不忘失，我今應說。」
- (7) 時，諸天眾互相謂曰：「仁等當知！聖者阿難陀，將欲宣暢如來所說經法，當一心聽！」時有天子說伽陀曰：
若能建妙法，饒益三千界，聖者法無畏，猶如師子吼，
仁等應至誠，聽說微妙法，所欲安樂者，知此真實義。
- (8) 爾時，尊者迦攝波以頌告阿難陀曰：
具壽今當宣佛語，一切法中最為上，
凡是大師所說法，咸能利益於眾生。
- (9) 時，阿難陀聞說大師名，心生戀慕，遂便迴首望涅槃處，虔誠合掌，以普遍音，作如是語：
如是我聞：一時薄伽梵，在婆羅[病-丙+尼]斯仙人墮處，施鹿林中。爾時，世尊告五苾芻曰：此苦聖諦，於所聞法如理作意，能生眼智明覺…。此中廣說，如上《三轉法輪經》。
- (10) 時，具壽阿若憍陳如告大迦攝波曰：「此微妙法親從佛聞，世尊慈悲為我宣說，由是經力能令我等，枯竭無邊血淚大海，超越骨山，關閉惡趣無間之門，善開天宮解脫之路，說此微妙甚深經時，我既聞已，於一切法，離諸塵垢，得法眼淨，八萬諸天皆蒙利益。」
說是語時，於虛空中，所有諸天及未離欲諸苾芻等，情生苦痛，如千箭射心，悲啼號叫，咸作是語：苦哉苦哉！而說頌曰：
禍哉此世間，無常不簡別，壞斯珍寶藏，枯竭功德海，
我親於佛所，聞此解脫法，今乃於他處，傳說如來言。
- (11) 又諸大眾聞說經時，咸作是語：「苦哉禍哉！無常力大，無有簡別，能壞如是世間眼目。」
- (12) 時，憍陳如即離本座，蹲踞而住。
時諸羅漢見是事已，咸起敬心皆離本座，蹲踞而住，作如是語：
「苦哉禍哉！無常力大，如何我等於世尊所親自聞法，今者傳聞？」而說偈言：

天人龍神尊已謝，我等何因不歸寂，
無一切智世間空，誰復將斯活爲勝。

(13) 爾時，諸阿羅漢俱入第四靜慮，以願力故觀察世間，各從定起告具壽阿難陀曰：「汝爲法來？」答言：「大德！我爲法來，仁等亦爲法來。」答曰：「如是！」

(14) 爾時，摩訶迦攝波作是念：「我已結集世尊最初所說經典，於同梵行處無有違逆，亦無訶厭，是故當知此經是佛真教。」

(15) 復告阿難陀：「世尊復於何處說第二經？」

時，阿難陀以清徹音答言：「世尊亦於婆羅[病-丙+尼]斯。」

「爲誰說耶？」「爲五苾芻。」

「所說云何？」答言：「作如是說：汝等苾芻當知！有四聖諦，云何爲四？所謂苦、集、滅、道聖諦。云何苦聖諦？謂生苦、病苦、老苦、死苦、愛別離苦、怨憎會苦、求不得苦、若略說者謂五趣蘊苦，是名爲苦。云何苦集聖諦？謂喜愛俱行隨處生染，是名爲集。云何苦滅聖諦？謂此喜愛俱行隨處生染更受後有，於如是等悉皆除滅、棄捨、變吐，染愛俱盡，證妙涅槃，是名苦滅。云何趣滅道聖諦？謂八正道，正見、正思、正語、正業、正命、正勤、正念、正定，是名趣滅道聖諦。說此法時，具壽阿若憍陳如，於諸煩惱心得解脫。餘四苾芻離諸塵垢，得法眼淨。」

(16) 時，具壽阿若憍陳如告具壽大迦攝波曰：「如是等法，我於佛所親自聽聞，我聞法已，於諸煩惱心得解脫，餘四苾芻離諸塵垢得法眼淨。」

(17) [爾時，摩訶迦攝波作是念：]「我已結集世尊第二所說經教，於同梵行處無有違逆，亦無訶厭，是故當知，此經是佛真教。」

(18) 復告阿難陀：「世尊在何處說第三經？」

時，阿難陀以清徹音答曰：「世尊亦於婆羅[病-丙+尼]斯。」「爲誰說耶？」「謂五苾芻。」

「所說云何？」答言：「作如是說：如是我聞：一時佛在婆羅[病-丙+尼]斯，施鹿林中，告五苾芻曰：汝等苾芻當知！色不是我，若是我者，色不應病及受苦惱，我欲如是色，我不欲如是色。既不如是隨情所欲，是故當知，色不是我。受、想、行、識，亦復如是，廣說如前。佛告五苾芻曰：於汝意云何？色爲是常、爲是無常？白言：大德！色是無常。佛言：色既無常，即是其苦，或苦苦、壞苦、行苦，然我聲聞多聞弟子，孰有我不？色即是我、

我有諸色、色屬於我、我在色中不？不爾，世尊！如是汝等應知，受、想、行、識常與無常，亦復如是。凡所有色，若過去、未來、現在、內外、麤細、若勝、若劣、若遠、若近，悉皆無我。汝等苾芻應以正智而善觀察，如是所有受、想、行、識，過去、未來、現在，悉應如前正智觀察。若我聲聞聖弟子眾觀此五取蘊，知無有我及以我所，如是觀已，即知世間，無能取、所取，亦非轉變，但由自悟而證涅槃：我生已盡、梵行已立、所作已辦、不受後有。說此法時，五苾芻等於諸煩惱心得解脫。」

- (19) 爾時，諸阿羅漢咸作是念：「我已結集世尊所說第三蘇怛羅，於同梵行無有違逆，亦無訶厭，是故當知，此蘇怛羅是佛真教。」
- (20) 復作是言：「自餘經法，世尊或於王宮、聚落、城邑處說。」此阿難陀今皆演說，諸阿羅漢同為結集，但是五蘊相應者，即以〈蘊品〉而為建立。若與六處十八界相應者，即以〈處界品〉而為建立。若與緣起聖諦相應者，即名〈緣起〉而為建立。若聲聞所說者，於〈聲聞品處〉而為建立。若是佛所說者，於〈佛品處〉而為建立。若與念處、正勤、神足、根、力、覺、道分相應者，於〈聖道品處〉而為建立。若經與伽他相應者，〔於〈伽他品〉而為建立。〕此即名為《相應阿笈摩》；若經長長說者，此即名為《長阿笈摩》。若經中中說者，此即名為《中阿笈摩》。若經說一句事二句事乃至十句事者，此即名為《增一阿笈摩》。
- (21) 爾時，大迦攝波告阿難陀曰：「唯有爾許《阿笈摩經》，更無餘者！」作是說已，便下高座。

【分析】

說有部、大眾部（和犢子部）的傳承祖師都未參與第二結集，都認為第一結集是先結集《經藏》，而後結集《律藏》。此處說有部更明確指出，第一結集時的經藏結集，只有結集四種《阿笈摩經》：《相應阿笈摩》、《長阿笈摩》、《中阿笈摩》、《增一阿笈摩》，沒有第五種。

【後結集律藏】（《雜事》卷 39）

- (1) 爾時，具壽迦攝波告大眾曰：「汝等應知！世尊所說蘇怛羅，已共結集，其《毘奈耶》次當結集。」聞是語已，咸言：「善哉！」
- (2) 于時眾中唯有具壽鄔波離，於毘奈耶緣起極善解了。

- (3) 迦攝波便昇高座，告大眾曰：「汝等應知！具壽鄔波離，於毘奈耶悉皆明了，世尊記說於持律中最為第一，是故我請結集《毘奈耶》。」大眾言：「善！」
- (4) 爾時，迦攝波告鄔波離曰：「具壽！汝頗能簡擇結集如來所說毘奈耶不？」答言：「能。」
- (5) 尊者即便作白：「大德僧伽聽！此具壽鄔波離，能為簡擇結集如來所說毘奈耶，若僧伽時至，聽者僧伽應設，僧伽今差具壽鄔波離，為欲簡擇結集如來所說毘奈耶。」白：如是。次作羯磨，准白成。
- (6) 時，具壽迦攝波作羯磨已，從座而下，鄔波離即昇師子座。
- (7) 爾時，迦攝波告鄔波離曰：「世尊於何處制第一學處？」
- (8) 鄔波離以清徹音答曰：「世尊於波羅[病-丙+尼]斯。」
「此為誰說？」「即五苾芻。」
「其事云何？」「謂齊整著裙不太高不太下，應當學！」
- (9) 說是語已，諸阿羅漢俱入邊際定，以願力故觀察世間，還從定起。爾時，摩訶迦攝波作如是念：「我已結集世尊所說最初學處，於同梵行無有違逆亦無訶厭，是故當知，此毘奈耶是佛所說。」
- (10) 復告鄔波離：「世尊何處說第二學處？」
- (11) 時，鄔波離以清徹音答曰：「於婆羅[病-丙+尼]斯。」
「此為誰說？」「即五苾芻。」
「其事云何？」「謂齊整披三衣，應當學！」
- (12) 說是語已，諸阿羅漢俱入邊際定，以願力故觀察世間，還從定起。時，迦攝波作如是念：「我已結集世尊第二學處，廣如上說。」
- (13) 復告鄔波離：「世尊何處說第三學處？」
- (14) 鄔波離以清徹音答曰：「於羯蘭鐸迦村。」
「此為誰說？」「即羯蘭鐸迦子蘇陣那苾芻。」
「其事云何？」「謂若苾芻受禁戒，於餘苾芻乃至畜生行姪欲者，得波羅市迦罪，亦不得同住。」
- (15) 說是語已，諸阿羅漢俱入邊際定，以願力故觀察世間，還從定起。時迦攝波作是如念：「我已結集，廣說如前。」
- (16) 自餘學處，世尊或於王宮、聚落為諸苾芻廣制學處，時鄔波離悉皆具說。諸阿羅漢既結集已，此名波羅市迦法，此名僧伽伐尸沙法，此名二不定法，三十捨墮法，九十波逸底迦法，四波羅底提舍尼法，眾多學法，七滅諍法，此是初制，此是隨制，此是定

制，此是隨聽，如是出家，如是受近圓，如是單白、白二、白四羯磨，如是應度，如是不應度，如是作褒灑陀，如是作安居，如是作隨意，及以諸事乃至雜事，此是尼陀那目得迦等。

(17) 既結集《毘奈耶》已，具壽鄔波離從高座下。

【結集本母】（《雜事》卷 40）

(1) 時，迦攝波作如是念：「後世之人少智鈍根，依文而解不達深義，我今宜可自說〈摩室里迦〉，欲使經律義不失故。」作是念已，便作白二羯磨，白眾令知。

(2) 眾既許已，即昇高座，告諸苾芻曰：「〈摩室里迦〉我今自說，於所了義皆令明顯，所謂四念處、四正勤、四神足、五根、五力、七菩提分、八聖道分，四無畏、四無礙解、四沙門果、四法句、無諍、願智，及邊際定，空、無相、無願，雜修諸定、正入現觀，及世俗智、苦摩他、毘鉢舍那，法集、法蘊，如是總名〈摩室里迦〉。」

說是語已，諸阿羅漢俱入邊際定，次第觀已，還從定起，如前廣說。

【分析】

(a) 此處的〈本母〉（摩室里迦），其實是第一結集以後，迦攝波（大迦葉）將《雜阿含經》的要義編出，傳給阿難，歷代下傳後，無著時期將這〈本母〉編為《瑜伽師地論》的〈攝事分〉。這一〈本母〉只有北傳，未曾南傳。

(b) 此處的〈本母〉歸屬《阿毘達磨》或《論藏》，但不是於第一結集會內所結集，因為其他部派沒有迦攝波結集《論藏》的記載。

【教法付囑】

(1) 是故當知，此是蘇怛羅，此是毘奈耶，此是阿毘達磨，是佛真教，如是集已。……時五百阿羅漢既結集已，此即名為五百結集。

(2) 爾時，大迦攝波而說頌曰：

仁等結集法王教，皆為愍念諸群生，
所有言說量無邊，今並纂集無遺闕，

世間愚癡不能了，爲作明燈除眼瞶。

- (3) 時，具壽大迦攝波復作是念：「三藏聖教我已結集，今以定力，觀察世尊所說教法得久住世，所應作者依如來說並已作了，如來法王示我正道，如教奉行，我已少分報佛慈恩，誰能盡報如來恩德？世尊大師所有遺教，利益眾生並皆纂集，久離大師無復依怙，五蘊臭身荷負勞倦，涅槃時至，無宜久留。」作是念已而說頌曰：

我已結集牟尼教，爲令正法得增長，
久住利益於世間，饒益眾生離諸惑，
無羞恥者已折伏，有慚愧者皆攝受，
所作利益事已周，今我宜應趣圓寂。

- (4) 時，大迦攝波告阿難陀曰：「汝今知不？世尊言教付囑於我而般涅槃，我今復欲入般涅槃，轉以教法付囑於汝，當善護持。」……

【分析】

- (a) 說有部、大眾部（和犢子部）的傳承祖師都未參與第二結集，有部律和大眾律都認為第一結集是先結集《經藏》，而後結集《律藏》。
- (b) 此處大迦攝波於入般涅槃前，以《經藏》和《律藏》付囑阿難陀，另將迦攝波於第一結集後所編出的《雜阿含經》的〈本母〉（摩室里迦）也付囑阿難陀下傳。

【第二結集】（《雜事》卷40）

- (1) 爾時，鄔波笈多以法付囑具壽地底迦（此云有媿）。此既弘通正法教已，轉付具壽黑色（梵云訖里瑟拏）。次復轉付具壽善見（梵云蘇跌里舍那）。如是等諸大龍象皆已遷化。大師圓寂佛日既沈，世無依怙。

如是漸次至一百一十年後。爾時廣嚴城諸苾芻等，作十種不清淨事，違逆世尊所制教法，不順蘇怛羅，不依毘柰耶，乖違正理。……

- (2) 爾時，具壽阿難陀在廣嚴城有弟子名曰樂欲（梵云薩婆迦摩），是阿羅漢，住八解脫。少欲知足省緣而住。此有弟子在婆颯婆聚落，號曰名稱（梵云：耶舍），亦阿羅漢，住八解脫，與五百弟子人間遊行至廣嚴城。時諸苾芻欲分利物。授事人來告尊者名稱曰：「僧

伽獲利今欲共分可來受取。」報言：「具壽！此之物利，從何而得？是誰所施？」彼即如前所得物處具告其事。尊者聞已，作如是念：「唯於此事，有惡瘡生。爲更有餘事？」即入定觀察，乃見於戒慢緩作諸惡行，共作十種非法之事。……

(3) 是時，名稱令使往告善黨曰：惡黨漸增，宜速來赴。佛法大事不可遷延。……即鳴撻稚，便有六百九十九阿羅漢悉皆來集，咸是具壽阿難陀弟子。爾時，尊者曲安入滅盡定，不聞撻稚聲。時諸苾芻皆集會已。具壽名稱作如是念：「我若稱名而白眾者，必大忿諍，宜可平懷普告。」即詣上座處，蹲踞合掌而住。時，曲安尊者從滅盡定起。是時有天告聖者曲安曰：「何爲安然？有諸同學六百九十九阿羅漢皆來集會，住廣嚴城，欲爲結集，令法久住，可宜速往。」以神通力於波吒離沒，於廣嚴出，便扣其門。……苾芻曰：「善來善來！今可入來。」既入院已。諸苾芻皆起相迎。問訊頂禮，還依次坐。

(4) 時，具壽名稱見諸尊者坐已，陳說十事，白言：「諸具壽！合作如是共許淨法不？」

問曰：「何謂共許淨法？」答曰：「如有苾芻作非法不和羯磨，又作非法和羯磨，又作法不和羯磨，名爲共許淨法。是事合不？」

尊者曰：「不應爾。」

問曰：「在何處制？」答曰：「瞻波城。」

復問：「爲誰？」答：「爲六眾苾芻。」

問：「得何罪？」答：「得惡作罪。尊者！」

此是第一事，斯乃違背佛教。廣說十事，問答同前已，即共結集。

(5) 以言白已，即鳴撻稚。住廣嚴城所有苾芻皆來集會，次第而坐。

時，尊者名稱復爲大眾廣陳十事，論說是非，悉皆共許。

(6) 時，有七百阿羅漢共爲結集，故云「七百結集」。

【分析】

此處的第二結集或七百結集，說一切有部述為「第二結集時，結集的七百比丘都是阿難弟子，且都是阿羅漢」，這不同於所有會內上座部派的記載。所以，說一切有部有關第二結集的傳聞較不可信，也顯示出說一切有部的傳承祖師當時並未參與第二結集。

三、化地五分律卷 30

【說明】

- (a)《彌沙塞部和醯五分律》由劉宋佛陀什共竺道生等譯出(T22, No. 1421)，屬上座化地部（彌沙塞部）的傳承。
- (b)第二結集後形成的上座部通稱為「分別說部」，其後有第三結集。上座部中未參與第三結集的形成「化地部」，為分別說部的主流。參與第三結集後的上座部則形成「法藏部」、錫蘭「銅鑠部」等部派。
- (3) 說有部、大眾部（和犢子部）的傳承祖師都未參與第二結集和第三結集，都認為第一結集是先結集「經藏」成四部阿含，而後結集「律藏」。
- (4) 另一方面，第二結集因律而起諍，故結集時先結集律藏、後結集經藏，結果化地部五分律中將第一結集也改成是先「律藏」、後「經藏」。所以，五分律反映出來的第一次的結集過程，其實就是第二次的結集過程，依此看出第二結集的經藏是集出《長阿含》、《中阿含》、《雜阿含》、《增一阿含》、《雜藏》等五部阿含。此處《雜藏》＝南傳的《小部》。

【五百集法：第一結集】 [T22,190b]

【結集律藏】

- (1) 於是迦葉白僧言：「大德僧聽！我今於僧中問優波離比尼義，若僧時到僧忍聽。」白：如是！
- (2) 時，優波離亦白僧言：「大德僧聽！我今當答迦葉比尼義，若僧時到僧忍聽。」白：如是！
- (3) 迦葉即問優波離：佛於何處制初戒？優波離言：在毘舍離。
又問：因誰制？答言：因須提那迦蘭陀子。
又問：以何事制？答言：共本二行姪。
又問：有二制不？答言：有，有比丘共獼猴行姪。
迦葉復問：於何處制第二戒？答言：在王舍城。
又問：因誰制？答言：因達膩吒。
又問：以何事制？答言：盜瓶沙王材。
迦葉復問：於何處制第三戒？答言：在毘舍離。
又問：因誰制？答言：因眾多比丘。

又問：以何事制？答言：自相害命。

迦葉復問：於何處制第四戒？答言：在毘舍離。

又問：因誰制？答言：因婆求摩河諸比丘。

又問：以何事制？答言：虛稱得過人法。

- (4) 迦葉作如是等問一切比丘已，於僧中唱言：「此是《比丘比尼》，此是《比丘尼比尼》，合名為《比尼藏》（註：律藏）。」[T22,191a]

【結集經藏】

- (1) 迦葉復白僧言：「大德僧聽！我今欲於僧中問阿難修多羅義，若僧時到僧忍聽。」白：如是。
- (2) 阿難亦白僧言：「大德僧聽！我今當答迦葉修多羅義，若僧時到僧忍聽。」白：如是。
- (3) 迦葉即問阿難言：佛在何處說《增一經》？在何處說《增十經》、《大因緣經》、《僧祇陀經》、《沙門果經》、《梵動經》？何等經因比丘說，何等經因比丘尼、優婆塞、優婆夷、諸天子、天女說？阿難皆隨佛說而答。
- (4) 迦葉如是問一切修多羅已，僧中唱言：「此是長經今集為一部，名《長阿含》，此是不長不短今集為一部，名為《中阿含》，此是雜說、為比丘比丘尼優婆塞優婆夷天子天女說，今集為一部名《雜阿含》，此是從一法增至十一法，今集為一部名《增一阿含》，自餘雜說今集為一部，名為《雜藏》。合名為《修多羅藏》（註：經藏）。」
- (5) 我等已集法竟，從今已後，佛所不制不應妄制，若已制不得有違，如佛所教應謹學之。

【分析】

- (a) 此處《五分律》表面是敘述第一結集，其實內容是第二結集時的結集過程：先結集律藏，後結集經藏，經藏中又結集出《雜藏》，成《五阿含》或《五部》。
- (b) 第二結集先結集律，是因為第二結集的起源來自戒律之諍。

【七百集法：第二結集】 [T22,192a]

- (1) 佛泥洹後百歲，毘舍離諸跋耆比丘始起十非法：一、鹽薑合共宿淨，二、兩指抄食食淨，三、復坐食淨，四、越聚落食淨，五、酥油蜜石蜜和酪淨，六、飲閣樓伽酒淨，七、作坐具隨意大小淨，八、習先所習淨，九、求聽淨，十、受畜金銀錢淨。
- (2) 彼諸比丘常以月八日十四日、十五日盛滿鉢水，集坐多人眾處，持鉢著前以爲吉祥，要人求施。
- (3) 時，諸白衣男女大小經過前者，便指鉢水言：「此中吉祥，可與衣鉢、革屣、藥直。」
有欲與者與之，不欲與者便譏呵言：「沙門釋子不應受畜金銀及錢，設人自與不應眼視，而今云何作此求施？」

【耶舍迦蘭陀子】

- (4) 時，長老耶舍迦蘭陀子在彼獼猴水邊重閣講堂，語諸比丘言：「汝莫作此求施。我親從佛聞，若有非法求施、施非法求，二俱得罪。」
語諸比丘已，復語諸白衣男女大小：「汝等莫作此施，我親從佛聞，若非法求施、施非法求，二俱得罪。」 [T22,192b]
- (5) 彼諸比丘得金銀錢已，語耶舍言：「大德可受此分。」
答言：「我不受非法求得施分。」
復語言：「若不自受可以施僧。」
答言：「我既不受，云何施僧？」
- (6) 於是諸比丘便以耶舍前教白衣爲罵白衣，與作下意羯磨。羯磨已耶舍言：「我親從佛聞：若僧與作下意羯磨，應差一比丘爲伴，謝諸白衣。」
諸比丘便白二羯磨，差一比丘伴之。
耶舍即將至白衣所，正值五百優婆塞聚在一處，便語之言：「諸君當知！是法我說是法，非法我說非法，是比尼我說是比尼，非比尼我說非比尼，是佛教我說是佛教，非佛教我說非佛教，我先所說使諸優婆塞瞋，今來謝過。」
諸優婆塞皆大驚言：「大德！何時爲我等說是法、是比尼、是佛教，使我等瞋而來見謝？」
- (7) 耶舍更語諸人言：「世尊一時在王舍城耆域菴羅園，時瓶沙王諸大臣共集王門作如是議：『沙門釋子應受畜金銀珠寶及用販賣。』時彼眾中有一大臣名珠髻，語眾人言：『勿作此議！沙門釋子不

應受畜金銀珠寶及用販賣。」即以此事往白世尊：『我之所說將無過謬？』佛言：『汝之所說正得其中，所以者何？我常說此沙門釋子不應受畜金銀珠寶及用販賣。』復白佛言：『唯願世尊，遣告眾人令知非謬。』佛言：『大善！』又告珠髻：『譬如日月爲烟、雲、塵、阿修羅四障所蔽，不明不淨；沙門婆羅門有四種障，亦復如是，或不斷愛欲行於姪法，或耽酒食不能除斷，或專作邪命以自給活，或受畜金銀珠寶及用販賣。若人以五欲爲淨，是人則以受畜金銀珠寶及用販賣爲淨，若人以受畜金銀珠寶及用販賣爲淨，是人則以五欲爲淨，若人依我出家受具足戒，而以受畜金銀珠寶及用販賣爲淨者，當知是人必定不信我之法律。我雖常說須車求車、須人求人，隨所須物皆聽求之，而終不得受畜金銀珠寶及用販賣。』」

(8) 耶舍說此已，又言：「我先說是法非法、是律非律、是佛教非佛教是佛所說？非佛所說？」

諸優婆塞言：「我等於此語中無不信樂，今毘舍離唯有大德是沙門釋子，願受我等盡壽住此四事供養。」[T22,192c]

耶舍謝諸優婆塞已，與僧使比丘俱還僧坊。

(9) 跋耆比丘問僧使比丘言：「耶舍比丘已謝諸優婆塞未？」

答言：「已謝，但諸白衣皆信其語，咸作是言：今毘舍離唯有大德，已請盡壽四事供養。於我等輩無復宜利。」

(10) 跋耆比丘復以耶舍前教諸比丘爲罵僧犯波逸提，語言：「汝當見罪悔過。」

耶舍答言：「我無罪可見，云何悔過？」

跋耆比丘便聚集，欲與作不見罪羯磨。

【尋找有共識者】

(11) 於是耶舍便以神足飛往波旬國。

時，波利邑有六十比丘，皆是阿練若、三衣乞食、糞掃衣、常坐露地坐，具足三明六通，悉是阿難弟子，俱共飛來向毘舍離。

耶舍見之，便置衣鉢於虛空中，猶如著地，與彼比丘共相問訊，具說跋耆比丘十種非法，語言：「大德！我等當共論比尼、法以滅斯事，勿使跋耆比丘破於正法。」

彼比丘莫逆於心，欲共同滅。

- (12) 復有三十波利邑比丘，德皆如上，亦是阿難弟子，在摩偷羅國。耶舍與六十比丘作是議言：「得彼三十比丘同我等者，必得如法滅彼惡事。」議已便共飛往彼比丘所，具如上說。彼亦莫逆於心，欲共同滅。
- (13) 復有波利邑三十比丘，德皆如上，亦是阿難弟子，在阿臘脾邑。耶舍復與九十人作如上議，往到其所具如上說，彼亦同心，欲共滅之。
- (14) 時，長老三浮陀在阿呼山上，耶舍復共百二十人作如上議，往到其所具如上說，彼亦同心，欲共滅之。
- (15) 時，長老離婆多在拘舍彌城，得慈心三昧有大眷屬，耶舍復與百二十一人亦如上議，往到其所具如上說，彼亦同心，欲共滅之。
- (16) 時，跋耆諸比丘聞耶舍往拘舍彌離婆多所，便載滿船沙門衣鉢諸所須物，亦欲往彼行貨求助。其船中伴有一持律比丘名沙蘭，竊獨思惟：「跋耆比丘爲如法不？」即依諸經律察其所爲，爲不如法。時空中神三反唱言：「如是如是！跋耆比丘所行非法，如汝所見。」
- (17) 跋耆諸比丘到拘舍彌，皆共上岸到長老離婆多所白言：「我等多載沙門所須之物來奉大德，願爲納受。」
答言：「我衣鉢具足，不復須之。」
又白言：「若不多須，願受少許。」
答言：「我衣鉢已備，不得爲汝虧法有受。」
- (18) 離婆多有一弟子名曰達磨，常侍左右，跋耆諸比丘便往其所語言：「我有沙門所須之物，若有短乏便可取之。」
答言：「我皆自有，無所乏少。」
跋耆諸比丘復言：「佛在世時人來施佛，佛不受者以施阿難，阿難皆受，阿難既受則是佛受。」
達磨聞之爲受一物，受已問言：「汝等何意強施我物？」
答言：「欲汝爲我白汝和尚以力見助，不令耶舍壞我法律。」
達磨便爲往和尚所白言：「和尚！可助跋耆比丘。」
答言：「行非法人我所不助。」
達磨復白：「願更籌量。」
答言：「汝今勸我助非法人，非我弟子，從今勿復在我左右，我亦不復共汝語言。」
達磨愧懼，出到跋耆諸比丘所，彼皆問言：「汝和尚有助我意不？」

答言：「無有，徒令我今爲汝受責，得不共語擯。」

跋耆諸比丘問言：「汝今幾歲？」答言：「二十歲。」

便言：「汝年德如此，何忍作此不共語擯！」

- (19) 於是長老離婆多作是念：「我若於此滅彼事者，彼造事人必更發起，今當共往就彼滅之。」念已，便與大眾俱之毘舍離城。彼城先有比丘名一切去，於闍浮提沙門釋子中最爲上座，得阿羅漢三明六通，亦是阿難最大弟子。

耶舍於僧坊外語離婆多：「可往上座房敷臥具宿并具白上事，我晨朝亦當問訊上座。」

眾人既入僧房，彼上座爲辦浴具，設過中漿。

- (20) 離婆多獨往上座房中，敷臥具宿。

離婆多夜作是念：「此一切去羸老上座，猶尙剋厲竟夜坐禪，我今何宜而得安寢？」

一切去亦作是念：「此客比丘行路疲極，復兼洗浴，猶尙竟夜坐禪行道，我今云何而得安臥？」

二人相推，遂竟夜坐禪。至後夜時，一切去問離婆多言：「汝今夜多遊何定？」

答言：「我性多慈，今夜多遊此定。」一切去言：「此是麤定。」

又問：「汝是阿羅漢非？」答言：「是。」

離婆多次問一切去言：「上座今夜多遊何定？」

答言：「我性好空觀，今夜多遊此定。」

離婆多言：「比是大人所行，何以故？空三昧是大人法。」

又問上座：「是阿羅漢不？」答言：「是。」

後夜竟已，耶舍比丘到房前彈指，上座開戶，即入問訊，問訊已，離婆多問一切去言：「鹽薑合共宿淨不？」

答言：「此事應僧中問，若獨問我，恐非法人以我爲私，不容我作論比尼數。」

【評斷非法】

- (21) 於是離婆多即集僧，欲論比尼而多亂語，便白僧言：「今日欲共論毘尼法，而多亂語，不得有斷，彼此眾應各求四人僧爲白二羯磨，差爲斷事主。」

跋耆比丘先求四人，一名一切去，二名離婆多，三名不闍宗，四

名修摩那。

波利邑比丘亦求四人，一名三浮陀，二名沙蘭，三名長髮，四名婆沙藍。

諸上座被僧差已共作是議：「何許地閑靜平曠，可共於中論比尼法？」即遍觀察，唯毘羅耶女所施園好。

離婆多即使弟子達磨往彼敷座，若上座至汝便避去，受勅即敷，諸上座至次第而坐。

(22) 於是離婆多問一切去上座言：「鹽薑合共宿淨不？」

答言：「不淨。」

又問：「在何處制？」答言：「在王舍城。」

又問：「因誰制？」答言：「因一阿練若比丘。」

又問：「犯何事？」答言：「犯宿食，波逸提。」

離婆多言：「此是法、此是律、此是佛教，跋耆比丘所行非法非律非佛教，今下一籌。」

(23) 離婆多復問：「兩指抄食食淨不？」

上座問：「云何名兩指抄食食淨？」

離婆多言：「比丘足食已更得食以兩指抄食之。」答言：「不淨。」

又問：「在何處制？」答言：「在王舍城。」

又問：「因誰制？」答言：「因跋難陀。」

又問：「犯何事？」答言：「犯不作殘食法食，波逸提。」

離婆多言：「此是法乃至非佛教，今下第二籌。」

(24) 復坐食淨、越聚落食淨亦如是，下第三、第四籌。

(25) 離婆多復問：「酥油蜜石蜜和酪淨不？」

上座問：「云何名酥油蜜石蜜和酪淨？」

離婆多言：「非時飲之。」答言：「不淨。」

又問：「在何處制？」答言：「在舍衛城。」

又問：「因誰制？」答言：「因迦留陀夷。」

又問：「犯何事？」答言：「犯非時食，波逸提。」

離婆多言：「此是法乃至非佛教，今下第五籌。」

(26) 離婆多復問：「飲闍樓伽酒淨不？」

上座問：「云何名闍樓伽酒？」

離婆多言：「釀酒未熟者。」答言：「不淨。」

又問：「在何處制？」答言：「在拘舍彌。」

又問：「因誰制？」答言：「因沙竭陀。」

- 又問：「犯何事？」答言：「飲酒，波逸提。」
- 離婆多言：「此是法乃至非佛教，今下第六籌。」
- (27) 離婆多復問：「作坐具隨意大小淨不？」答言：「不淨。」
- 又問：「在何處制？」答言：「舍衛城。」
- 又問：「因誰制？」答言：「因迦留陀夷。」
- 又問：「犯何事？」答言：「犯波逸提。」
- 離婆多言：「此是法乃至非佛教，今下第七籌。」
- (28) 離婆多復問：「習先所習淨不？」
- 上座問：「云何名習先所習？」
- 離婆多言：「習白衣時所作。」
- 上座言：「或有可習或不可習。」
- 離婆多言：「此是法乃至非佛教，今下第八籌。」
- (29) 離婆多復問：「求聽淨不？」
- 上座問：「云何爲求聽？」
- 離婆多言：「別作羯磨然後來求餘人聽。」答言：「不淨。」
- 又問：「何處制？」答言：「在瞻婆國。」
- 又問：「因誰制？」答言：「因六群比丘。」
- 又問：「犯何事？」答言：「隨羯磨事。」
- 離婆多言：「此是法乃至非佛教，今下第九籌。」
- (30) 離婆多復問：「受畜金銀及錢淨不？」答言：「不淨。」
- 又問：「在何處制？」答言：「在王舍城。」
- 又問：「因誰制？」答言：「因難陀跋難陀。」
- 又問：「犯何事？」答言：「犯受畜金銀及錢，尼薩耆波逸提。」
- 離婆多言：「此是法乃至非佛教，今下第十籌。」
- (31) 問竟共還，更都集僧，離婆多於大眾中，更一一如上問一切去，下一籌乃至第十籌。
- 於是離婆多唱言：「我等已論比尼法竟，若佛所不制不應妄制，若已制不得有違，如佛所教應謹學之。」
- (32) 爾時，論比尼法眾，第一上座名一切去，百三十六臘，第二上座名離婆多，百二十臘，第三上座名三浮陀，第四上座名耶舍，皆百一十臘。合有七百阿羅漢，不多不少，是故名爲七百集法。

【分析】

此處《五分律》敘述第二結集的起因是十事戒律之諍，有關七百

上座比丘的參與過程，所有上座部律的記載大致相同，但是有部律和僧伽律對參與人員的背景敘述有所不同，這表示當時有部律和僧伽律的傳承祖師並不屬於會內的七百上座比丘。

四、《四分律》卷 54

【說明】

《四分律》是姚秦罽賓三藏佛陀耶舍共竺佛念等譯，屬於上座部系中法藏部的律。《四分律》的傳承祖師分別參與了第二和第三結集。

【第一結集：五百人毘尼】

【結集毘尼】

- (1) 時，大迦葉即作白言：大德僧聽，若僧時到僧忍聽，僧今問優波離法毘尼。白：如是。
時優波離即作白言：大德僧聽，若僧時到僧忍聽，僧今令上座大迦葉問我答。白：如是。
- (2) 時大迦葉即問言：第一波羅夷，本起何處，誰先犯？
優波離答言：在毘舍離，須提那迦蘭陀子初犯。
第二復本起何處？答言：在王舍城，陀尼伽比丘陶師子初犯。
復問：第三本起何處？答言：在毘舍離，婆裘河邊比丘初犯。
復問：第四本起何處？答言：在毘舍離，婆裘河邊比丘初犯。
復問：第一僧殘本起何處？答言：在舍衛國，迦留陀夷初犯。
如是展轉隨所起處，如初分說。
復問：第一不定法本起何處？答言：在舍衛國迦留陀夷初犯，第二亦爾。
復問：尼薩耆本起何處？答言：在舍衛國六群比丘初犯，如是展轉亦如初分說。
復問：初波逸提本起何處？答言：在釋翅瘦象力釋子比丘初犯，如是展轉如初分說。
復問：波羅提提舍尼本起何處？答言：在舍衛國因蓮花色比丘尼起，第二、第三、第四，如初分說。
復問：第一眾學法本起何處？答言：在舍衛國六群比丘初犯，如是展轉如初分說。

- (3) 比丘尼別戒，如律所說。
- (4) 復問：最初聽受大戒本起何處？答言：在波羅奈五比丘。
 復問：最初聽說戒在何處？答言：在王舍城為諸少年比丘。
 復問：初聽安居本起何處？答言：在舍衛國因六群比丘起。
 復問：初自恣本起何處？答言：在舍衛國因六群比丘起。
 如是展轉問乃至毘尼增一。
- (5) 時彼即集比丘一切事并在一處，為比丘律。
 比丘尼事并在一處，為比丘尼律。
 一切受戒法集一處為受戒犍度。一切布薩法集一處，為布薩犍度。
 一切安居法集一處，為安居犍度。一切自恣法集一處，為自恣犍度。
 一切皮革法集一處，為皮革犍度。一切衣法集一處，為衣犍度。
 一切藥法集一處，為藥犍度。一切迦絺那衣法集一處，為迦絺那衣犍度。
- (6) 二律并一切犍度調部、毘尼增一都集，為《毘尼藏》。

【結集法】

- (1) 時，大迦葉即作白：大德僧聽，若僧時到僧忍聽，僧今問阿難法毘尼。白：如是。
 時，阿難即復作白：大德僧聽，若僧時到僧忍聽，僧今令大迦葉問我答。白：如是。
- (2) 大迦葉即問阿難言：梵動經在何處說，增一在何處說，增十在何處說，世界成敗經在何處說，僧祇陀經在何處說，大因緣經在何處說，天帝釋問經在何處說？
 阿難皆答，如長阿含說。
- (3) 彼即集一切長經，為《長阿含》。一切中經，為《中阿含》。從一事至十事從十事至十一事，為《增一》。雜比丘比丘尼、優婆塞優婆私、諸天、雜帝釋、雜魔、雜梵王，集為《雜阿含》。如是《生經》、《本經》、《善因緣經》，《方等經》、《未曾有經》、《譬喻經》、《優婆提舍經》、《句義經》，《法句經》、《波羅延經》、《雜難經》、《聖偈經》，如是集為《雜藏》。

【結集阿毘曇】

(3) 有難無難繫相應作處，集為《阿毘曇藏》。

時即集為三藏。……

在王舍城五百阿羅漢共集法毘尼，是故言集法毘尼有五百人。

【分析】

(a) 此處《四分律》表面是敘述第一結集，其實內容是第二結集時的結集過程：先結集「律藏」，後結集「經藏」，經藏中又結集出《雜藏》或《小部》，成《五阿含》或《五部》。

(b) 第二結集先結集律，是因為第二結集的起源來自戒律之爭。

(c) 此處所說的「阿毘曇」，於第一結集時若是屬於「綱要型」的經，則歸入「經藏」。於第二結集時舍利弗所說的《無礙解道》屬於「阿毘曇」，但被結集為《小部》之一。

【七百集法毘尼】

(1) 爾時，世尊般涅槃後百歲。毘舍離跋闍子比丘行十事，言：是法清淨，1 佛所聽應兩指抄食，2 得聚落間，3 得寺內，4 後聽可，5 得常法，6 得和，7 得與鹽共宿，8 得飲闍樓羅酒，9 得畜不截坐具，10 得受金銀。彼於布薩日，檀越布施金銀，而共分之。

(2) 時，有耶舍迦那子聞毘舍離比丘行如是事，即往跋闍子比丘所……

一切去上座為第一上座，三浮陀第二上座，離婆多第三上座，婆搜村是第四上座，阿難皆為其和尚。

(3) 時，長老一切去知僧事時，上座即作白：「大德僧聽，若僧時到僧忍聽，今僧論法毘尼。」白：如是。

時，波夷那比丘語波梨比丘言：「汝等今可出平當人。」

彼即言：「上座一切去、離婆多、耶舍、蘇曼那，是平當人。」

波梨比丘語波夷那比丘言：「汝等亦應出平當人。」

彼即言：「長老三浮陀婆搜村、長老沙留不闍蘇摩，是平當人。」

是中有阿夷頭比丘，堪任勸化，彼諸比丘言：「持此比丘在數中，何以故？彼在所處，當為我等勸化。」即著數中。……

(4) 彼諸長老皆往毘舍離。

時一切去上座，即集比丘僧已作白：「大德僧聽，若僧時到僧忍聽，僧今論法毘尼。」白：如是。

長老離婆多即作白：「大德僧聽，若僧時到僧忍聽，僧今問一切去上座法毘尼。」白：如是。

時一切去上座即作白：「大德僧聽，若僧時到僧忍聽，僧今令離婆多問法毘尼我答。」白：如是。

離婆多即問言：「大德長老！得二指淨不？」

彼問言：「云何得二指淨？」

答言：「大德長老！足食已捨威儀不作餘食法得二指抄食食？」

答言：「不應爾。」

問言：「在何處制？」

答言：「在舍衛國不作餘食法食是故制，此是第一事非法非毘尼非佛所教。」

於僧中檢校已，下一舍羅。

(5) 如是一一檢校乃至十事，非法非毘尼非佛所教，於僧中檢校已，皆下舍羅。

(6) 在毘舍離，七百阿羅漢集論法毘尼，故名七百集法毘尼。

【分析】

此處《四分律》詳細敘述第二結集的起因是十事戒律之諍，有關七百上座比丘的參與過程，所有上座部律的記載大致相同。

五、《巴利律》〈小品〉第 11、12 犍度

【說明】

《巴利律》又稱銅鑠律，巴利律藏的內容組織，由（1）經分別（2）犍度（3）附隨三部組成。犍度分為大品、小品二部。結集小品最後二篇是五百結集犍度和七百結集犍度。

【五百〔結集〕犍度】

【結集律】

(1) 時，具壽摩訶迦葉告僧伽，言：「諸大德！請聽我言！若僧伽機熟，我問律於優波離。」

具壽優波離告僧伽，言：「諸大德！請聽我言！若僧伽機熟，我答具壽摩訶迦葉所問之律。」

時，具壽摩訶迦葉言具壽優波離，曰：「友！優波離！於何處制立第一波羅夷耶？」「大德！於毘舍離城。」

「因誰耶？」「因須提那迦蘭陀子。」

「爲何事耶？」「爲不淨法也。」

時，具壽摩訶迦葉問具壽優波離第一波羅夷之事，問因緣、人、制、隨制、犯、不犯。

「友！優波離！於何處制立第二波羅夷耶？」「大德！於王舍城。」

「因誰耶？」「因壇尼迦陶師子。」

「爲何事耶？」「爲不與取。」

時，具壽摩訶迦葉問具壽優波離第二波羅夷之事，問因緣……不犯。

「友！優波離！於何處制立第三波羅夷耶？」

「大德！於毘舍離城。」

「因誰耶？」「因眾多比丘。」

「爲何事耶？」「爲人身。」

時，具壽摩訶迦葉問具壽優波離第三波羅夷之事，問因緣……不犯。

「友！優波離！於何處制立第四波羅夷耶？」

「大德！於毘舍離城。」

「因誰耶？」「因婆裘河邊諸比丘。」

「爲何事耶？」「爲上人法。」

時，具壽摩訶迦葉問具壽優波離第四波羅夷之事，問因緣……不犯。

由此方便問《兩部律》，具壽優波離隨問而答之。

【結集法】

(2) 時，具壽摩訶迦葉告僧伽，言：「諸大德！請聽我言！若僧伽機熟，我問法於阿難。」

具壽阿難告僧伽，言：「諸大德！請聽我言！若僧伽機熟，我答具壽摩訶迦葉所問之法。」

時，具壽摩訶迦葉言具壽阿難：「友！阿難！於何處說《梵網經》耶？」

「大德！於王舍城與那蘭陀間之王屋菴羅締。」

「因誰耶？」「因普行梵志須卑及孺童梵摩達。」

時，具壽摩訶迦葉問具壽阿難《梵網經》之因緣及人。

「友！阿難！於何處說《沙門果經》耶？」

「大德！於王舍城耆婆菴婆園。」

「與誰俱耶？」「與阿闍世韋提希子俱。」

時，具壽摩訶迦葉問具壽阿難《沙門果經》之因緣及人。

由此方便問《五部經》，具壽阿難隨問而答之。……

- (3) 此律結集時有五百比丘，不多亦不少，故名此律結集為五百〔結集〕。

【分析】

- (a) 此處《巴利律》表面是敘述第一結集，其實內容是第二結集時的結集過程：先結集律藏，後結集經藏，經藏中又結集出《雜藏》或《小部》，成《五阿含》或《五部經》。
- (b) 第二結集先結集律，是因為第二結集的起源來自戒律之爭（見下）。

【七百〔結集〕犍度】

- (1) 爾時，世尊般涅槃百年，毘舍離之跋耆子諸比丘，於毘舍離城出十事，〔謂：〕器中鹽淨，兩指淨，近聚落淨，住處淨，後聽可淨，常法淨，不攪乳淨，飲闍樓伽酒淨，無纒邊坐具淨，金銀淨。……
- (2) 時，僧伽欲決定此諍事而集會。決定此諍事時，生無邊之所說，不得知一所說之義。時，具壽離婆多告僧伽，言：「諸大德！請聽我言！我等決定此諍事時，生無邊之所說，不得知一所說之義。若僧伽機熟，僧伽應選斷事人，令滅此諍事。」
- 選波夷那四比丘及波利邑四比丘。
- 波夷那比丘是具壽一切去、具壽沙蘭、具壽不闍宗、具壽婆沙藍。波利邑比丘是具壽離婆多、具壽三浮陀舍那婆斯、具壽耶舍迦乾陀子、具壽修摩那。……
- 爾時，有名為阿夷頭比丘，十歲而為僧伽之說戒者。
- 時，僧伽選具壽阿夷頭，為諸長老比丘之知臥坐具人。

時，諸長老比丘生是念：「我等應於何處滅此諍事耶？」

時，諸長老比丘念：「此婆利迦園可愛而聲音少。我等應宜於婆利迦園滅此諍事。」

時，諸長老比丘欲滅彼諍事而往婆利迦園。

- (3)時，具壽離婆多告僧伽，言：「諸大德！請聽我言！若僧伽機熟，我問律於具壽一切去。」具壽一切去告僧伽，言：「諸大德！請聽我言！若僧伽機熟，我答離婆多所問之律。」

時，具壽離婆多言具壽一切去：「大德！器中鹽，淨耶？」「友！何者爲器中鹽淨耶？」「大德！蓄鹽於器中，若無鹽時食之，淨耶？」「友！不淨也。」「於何處受禁耶？」「於舍衛城。於經分別。」「犯何〔罪〕耶？」「殘宿食之波逸提也。」「諸大德！請聽我言！僧伽於此處決定第一事，故此事是邪法邪律而離師教。於此處，下第一籌。」

「大德！兩指，淨耶？」「友！何者爲兩指淨耶？」「大德！〔日〕影過兩指，非時食，淨耶？」「友！不淨也。」「於何處受禁耶？」「於王舍城。於經分別。」「犯何〔罪〕耶？」「非時食之波逸提也。」「諸大德！請聽我言！僧伽於此處決定第二事……下第二籌。」

「大德！近聚落，淨耶？」「友！何者爲近聚落淨耶？」「大德！食已，已示謝，入聚落而食非殘食，淨耶？」「友！不淨也。」「於何處受禁耶？」「於舍衛城。於經分別。」「犯何〔罪〕耶？」「非殘食之波逸提也。」「諸大德！請聽我言！僧伽於此處決定第三事……下第三籌。」

「大德！住處，淨耶？」「友！何者爲住處淨耶？」「大德！同一境界之眾多住處，各別行布薩，淨耶？」「友！不淨也。」「於何處受禁耶？」「於王舍城。於布薩相應。」「犯何〔罪〕耶？」「違律之惡作也。」「諸大德！請聽我言！僧伽於此處決定第四事……下第四籌。」

「大德！後聽可，淨耶？」「友！何者爲後聽可淨耶？」「大德！別眾行羯磨，若諸比丘來求聽可，淨耶？」「友！不淨也。」「於何處受禁耶？」「於瞻波律事。」「犯何〔罪〕耶？」「違律之惡作也。」「諸大德！請聽我言！僧伽於此處決定第五事……下第五籌。」

「大德！常法，淨耶？」「友！何者爲常法淨耶？」「大德！言：

此我和尚之常法，此我阿闍梨之常法而行之，淨耶？」「友！常法一分淨、一分不淨也。」「諸大德！請聽我言！僧伽於此決定第六事……下第六籌。」

「大德！不攪乳，淨耶？」「友！何者爲不攪乳淨耶？」「大德！食已，已示謝，飲非乳非酪之乳之非殘食，淨耶？」「友！不淨也。」「於何處受禁耶？」「於舍衛城。出於經分別。」「犯何〔罪〕耶？」「非殘食之波逸提也。」「諸大德！請聽我言！僧伽於此處決定第七事……下第七籌。」

「大德！飲闍樓伽酒，淨耶？」「友！何者爲闍樓伽酒耶？」「飲未榨酒與未成酒，淨耶？」「友！不淨也。」「於何處受禁耶？」「於憍賞彌。於經分別。」「犯何〔罪〕耶？」「飲酒之波逸提也。」「諸大德！請聽我言！僧伽於此處決定第八事……下第八籌。」

「大德！無縷邊坐具，淨耶？」「友！不淨也。」「於何處受禁耶？」「於舍衛城。於經分別。」「犯何〔罪〕耶？」「切斷之波逸提也。」「諸大德！請聽我言！僧伽於此處決定第九事……下第九籌。」

「大德！金銀，淨耶？」「友！不淨也。」「於何處受禁耶？」「於王舍城。於經分別。」「犯何〔罪〕耶？」「受金銀之波逸提也。」「諸大德！請聽我言！僧伽於此處決定第十事……下第十籌。」

「諸大德！請聽我言！僧伽決定此十事故，此事爲邪法邪律而離師教。」

〔具壽一切去曰：〕「友！此諍事已除，已靜，已寂靜，已善寂靜。友！然而，汝於僧伽中，更問我此十事，令彼諸比丘〔得〕解。」

時，具壽離婆多於僧伽中，以此十事更問具壽一切去，具壽一切去隨所問而答之。

(4) 此律結集時，有七百比丘，不多亦不少，故名此律結集爲七百〔結集〕。

【分析】

此處《巴利律》(銅鑠律)敘述第二結集的起因是十事戒律之諍，有關七百上座比丘的參與過程，所有上座部律的記載大致相同。

六、《善見律毘婆沙》卷 1-3

【說明】

- (1) 《善見律毘婆沙》(T24, No. 1462) 卷 1-3 的記載，屬南傳上座部的傳說。僧伽跋陀羅譯出。
- (2) 第二結集後，會內系統形成了上座部，通稱為「分別說部」，其後又有第三結集。
 - A、上座部中未參與第三結集的是「化地部」，成為「分別說部」的主流。化地部的律是《五分律》。
 - B、參與第三結集後的上座部分成幾部，如法藏部、銅鑠部等。法藏部的律是《四分律》，銅鑠部的律是《巴利律》、《善見律》。《善見律毘婆沙》是《善見律》的解說。
- (3) 說有部、大眾部（和犢子部）的傳承系統都未參與第二結集，認為第一結集是先結集《經藏》成四部阿含，而後結集《律藏》。
- (4) 第二結集因律而起諍，故會內七百上座於結集時先結集《律藏》而後結集《經藏》成五部阿含。《五分律》中，將第一結集也改說成是先律藏、後經藏，反映出來的第一結集，其實是第二次的律藏、經藏的結集過程。第二結集的經藏是《長阿含》、《中阿含》、《雜阿含》、《增一阿含》、《雜藏》等五部阿含。此處《雜藏》＝南傳的《小部》。
- (5) 《善見律》是第三結集（一千結集、華氏城結集）時集出，《善見律》中所說的第一結集、第二結集，反映出第三結集也是先《律藏》後《經藏》。第三結集中的《經藏》相同於第二結集，是集出《長阿含》、《中阿含》、《雜阿含》、《增一阿含》、《屈陀迦經》等五部阿含。此處《屈陀迦經》＝《小部》＝《雜藏》。第三結集的最後階段是《論藏》的結集。

《善見律毘婆沙》卷一

【序品第一：第一結集】

【結集律藏】

- (1) 大德迦葉語諸長老：為初說法藏、毘尼藏耶？
諸比丘答曰：大德！毘尼藏者是佛法壽，毘尼藏住佛法亦住，是故我等先出毘尼藏。
誰為法師？長老優波離。
眾有問曰：阿難不得為法師耶？

答曰：不得爲法師，何以故？佛在世時常所讚歎，我聲聞弟子中持律第一優波離也。

眾曰：今正應問優波離出毘尼藏。

(2) 於是，摩訶迦葉作白羯磨，問優波離：長老僧聽！若僧時到僧忍聽我問優波離毘尼法中。白：如是。

優波離作白羯磨：大德僧聽！若僧時到僧忍聽我今答大德迦葉毘尼法。白：如是。

如是，優波離白羯磨已，整身衣服，向大德比丘頭面作禮，作禮已，上高座而坐，取象牙裝扇。

(3) 迦葉還坐已，問優波離：長老！第一波羅夷何處說，因誰起耶？

答曰：毘舍離結，因迦蘭陀子須提那起。

問曰：犯何罪也？答曰：犯不淨罪。

迦葉問優波離罪、因緣、人身、結戒、隨結戒，有罪亦問，無罪亦問。

如第一波羅夷，如是第二、第三、第四因緣本起，大迦葉悉問，優波離隨問盡答，是故名四波羅夷品。

復次，問僧伽婆尸沙。復次，問二不定。次問三十尼薩耆波夜提。次問九十二波夜提。次問四波羅提提舍尼。次問七十五眾學。次問七滅諍法。

如是大波羅提木叉作已。

(4) 次問比丘尼八波羅夷，名波羅夷品。復次，問十七僧伽婆尸沙。

次問三十尼薩耆波夜提。次問六十六波夜提。次問八波羅提提舍尼。次問七十五眾學。次問七滅諍法。

如是已作比丘尼波羅提木叉竟。

(5) 次問蹉陀(漢言雜事)。次問波利婆羅(漢言三擯四羯磨也)。

如是律藏作已。

(6) 大德迦葉一切問優波離，優波離答已，是故名五百羅漢集律藏竟。於是，長老優波離放扇從高座下，向諸大德比丘作禮，作禮已，還復本座。

摩訶迦葉言：毘尼集竟。

【結集經藏】

(1) 問：法藏，誰爲法師應出法藏？

諸比丘言：長老阿難。

於是，大德迦葉作白羯磨：長老僧聽！若僧時到僧忍聽我問長老阿難法藏。白：如是。

(2) 阿難復作白羯磨：大德僧聽！若僧時到僧忍聽我今答大德迦葉法藏。白：如是。

於是，阿難從坐起，偏袒右肩禮大德僧已，即登高座，登高座已，手捉象牙裝扇。

(3) 大德迦葉問阿難：法藏中《梵網經》，何處說耶？

阿難答曰：王舍城、那蘭馱二國中間，王菴羅絺屋中說。

因誰而起？因修悲夜、波利婆闍迦婆羅門撻多，因二人起。

大德迦葉問阿難《梵網經》因緣本起。

次問：《沙門果經》何處說耶？阿難答曰：於王舍城耆婆林中說。爲誰說耶？爲阿闍世王、梵棄子等。

如是《沙門果經》因緣本起。

(4) 以是方便問《五部經》。

何謂爲五部？

答曰：《長阿鎗經》、《中阿鎗經》、《僧述多經》、《殃堀多羅經》、《屈陀迦經》。

問曰：何謂《屈陀迦經》？

答曰：除四阿鎗，餘者一切佛法，悉名《屈陀迦經》，四阿鎗中一切雜經，阿難所出，唯除律藏。

(5) 佛語一味，分別有二用，初中後說其味有三，三藏亦復如是，戒定慧藏，若是部黨，《五部經》也。

若一二分別，有九部經。如是聚集有八萬法藏。…

【分析】

此處《善見律毘婆沙》表面是敘述第一結集，其實是第二結集時的結集過程：先結集律藏，後結集經藏，經藏中又結集出《雜藏》，成《五阿含》或《五部經》。先結集律是因為第二結集的起源來自十事戒律之諍。

【第三結集時的三藏次第】

(1) 問曰：何謂三藏？

答曰：《毘尼藏》、《修多羅藏》、《阿毘曇藏》，是名三藏。

(2) 問曰：何謂《毘尼藏》？

二波羅提木叉、二十三躡陀、波利婆羅，是名毘尼藏。(T24,p676a)

(3) 問曰：何謂《修多羅藏》？

答曰：《梵網經》爲初，四十四修多羅，悉入《長阿含》。初根《牟羅波利耶》，二百五十二修多羅（下文提出一百五十二修多羅，故二百五十二爲誤），悉入《中阿含》。《烏伽多羅阿婆陀那》爲初，七千七百六十二修多羅，悉入《僧述多》（註：雜阿含）。《折多波利耶陀那修多羅》爲初，九千五百五十七修多羅，悉入《鶡掘多羅》（註：增一阿含）。《法句喻》、《驅陀那》、《伊諦佛多伽》、《尼波多》、《毘摩那》、《卑多》、《涕羅涕利伽陀》、《本生》、《尼涕婆》、《波致參毘陀》、《佛種性經》，若《用藏者》（註：佛所行藏），破作十四分，悉入《屈陀迦》（註：雜藏、小部）。

此是名《修多羅藏》。

(4) 問曰：何謂《阿毘曇藏》？

答曰：《法僧伽》（註：法集論）、《毘崩伽》（註：分別論）、《陀兜迦他》（註：界說論）、《耶摩迦》（註：雙對論）、《鉢叉》（註：發趣論）、《逼伽羅坩那祇》（註：人施設論）、《迦他跋偷》（註：論事），此是《阿毘曇藏》。…

【分析】

以上依次列出律、經、論的名稱，這是第三結集時結集三藏的次第。

(1) 何謂爲阿含？

法師曰：有五阿含，何謂爲五？一者《長阿含》，二者《中阿含》，三者《僧育多阿含》，四者《鶡掘多羅阿含》，五者《屈陀伽阿含》。

問曰：何謂爲《長阿含》？

三品中《梵網經》爲初，四十四修多羅悉入三品中，是名《長阿含》。

法師問：云何名之爲長？聚眾法最多故名爲長。

又問曰：何謂爲阿含？

答曰：容受聚集義名阿含，如修多羅說，佛告諸比丘：我於三界中不見一阿含，如畜生阿含，純是眾生聚集處也。

以是義故，中阿含亦應知，不長不短故名爲中。於十五品，根學

修多羅爲初，一百五十二修多羅，是名《中阿含》。

七月日出法竟，大德迦葉修理成就十力法已，於是大地如人歡喜，歎言：善哉善哉！乃徹黃泉六種震動，又種種奇異妙相出現。

此是五百大眾羅漢初集名也，而說偈言：

世間中五百，羅漢出是法，故名五百出，諸賢咸共知。

(2) 是時大眾說，大德迦葉問優波離：「波羅夷何處結耶？」亦問犯處、亦問因緣、亦問人身。此問大德自知。

答曰：時因人結戒，是故結戒一切次第，我今當說。

爾時，佛在毘蘭若處。

問曰：何時說耶？答：集五百大眾說。

如是種種義出已，問曰：何以優波離說？答曰：爲大德迦葉問是戒本已，現今誰持者，持者何處住？我當說根本，今說章句義：爾時，佛住毘蘭若。此根本律藏初如是說。……

【分析】

以上依次先說經，後說律，這是第一結集的結集次第。這是舊有資料，但是《屈陀伽阿含》（《小部》、《雜藏》）則是第二結集時才結集。

【跋闍子品第二：第二結集、集法藏】

(1) 於是眾聖，日夜中次第而去。世尊涅槃已一百歲時，毘舍離跋闍子比丘，毘舍離中十非法起。

(2) 何謂爲十？一者鹽淨，二者二指淨，三者聚落間淨，四者住處淨，五者隨意淨，六者久住淨，七者生和合淨，八者水淨，九者不益縷尼師壇淨，十者金銀淨。

此是十非法，於毘舍離現此十非法，諸跋闍子修那伽子名阿須，阿須爾時作王，黨跋闍子等。

(3) 爾時，長老耶須拘迦是迦乾陀子，於跋闍中徜徉而行毘舍離，跋闍子比丘毘舍離中現十非法，聞已：我不應隱住壞十力法，若爲方便滅此惡法，即往至毘舍離。到已。

爾時，長老耶須拘迦乾陀子，於毘舍離大林鳩[口*宅]伽羅沙羅中住。

(4) 爾時，跋闍子比丘說戒時，取水滿鉢置比丘僧中。爾時，毘舍離諸優婆塞來詣。跋闍子比丘作如是言：語諸優婆塞：應與眾僧

錢，隨意與半錢、若一錢，使眾僧得衣服。(原文有缺)

(5) 一切應說：此是集毘尼義，七百比丘不減不長，是名七百比丘集毘尼義。

於集眾中，(會外有)二萬比丘集。

(6) 長老耶斯那比丘發起此事，於跋闍子比丘眾中，長老離婆多問薩婆迦，薩婆迦比丘答，律藏中斷十非法，及消滅諍法。

大德！我等輩今應出法及毘尼，擇取通三藏者，至三達智比丘擇取已，於毘舍離婆利迦園中，眾已聚集，如迦葉初集法藏無異。一切佛法中垢洗除已，依藏更問、依阿含問，依枝葉問、依諸法聚問，一切法及毘尼藏盡出。

此是大眾，於八月日得集竟，說偈讚曰：

世間中七百，是為七百名，依如前所說，汝等自當知。

(7) 是時，薩婆迦眉、蘇寐、離婆多、屈闍須毘多、耶須婆那參復多，此是大德阿難弟子。修摩[少/兔]、婆娑伽眉，此二人是阿[少/兔]留[馬*太]弟子，已曾見佛，而說偈言：

第二好集眾，大法一切出，已至重法處。

應作已作竟，愛盡比丘者，是名第二集。

【分析】

以上略說第二結集的緣起，以及判定十事非法，這是上座部系的一般看法，只是此處接著提出「我等輩今應出法及毘尼」，表示第二結集時也結集了經藏和律藏。

阿育王品第三：集法藏

《善見律毘婆沙》卷二

【摩哞陀等出家】

(1) 眾僧已受，即推目撻連子帝須為和尚，摩呵提婆為阿闍梨，授十戒，大德末闍提為阿闍梨，與具足戒，是時摩哞陀年滿二十，即受具足戒，於戒壇中得三達智，具六神通漏盡羅漢。

(2) 僧伽蜜多，阿闍梨名阿由波羅，和尚名曇摩波羅，是時僧伽蜜多年十八歲，度令出家，於戒壇中即與六法。

王登位以來，已經六年，二子出家。於是摩哞陀於師受經及毘尼藏，摩哞陀於三藏中，一切佛法皆悉總持，同學一千摩哞陀最大。

(3) 爾時，阿育王登位九年，有比丘拘多子，名帝須，病困劇，持鉢乞藥得酥一撮，其病增長命將欲斷，向諸比丘言：三界中慎勿懈怠，語已飛騰虛空，於虛空中而坐，即化作火自焚燒身，入於涅槃。是時，阿育王聞人宣傳，為作供養，王念言：我國中比丘，求藥而不能得。王於四城門邊起作藥藏，付藥滿藏中。

【第三結集緣起】

(1) 時，波吒利弗國四方城門邊，有四千客堂，堂日得錢五千，以供王用。爾時，王以錢一千供大德泥瞿陀，一千供養塔像華香直，取一千供給法堂，一千供諸律師，一萬供眾僧，四城門邊藥藏，日一萬以用買藥直。

(2) 爾時，佛法興隆，諸外道等衰殄，失供養利，周遍乞食都無所得，為飢渴所逼，託入佛法而作沙門，猶自執本法，教化人民，此是律、此是法，既不用佛法律威儀進止，悉不得法，來入寺住，至布薩日來入僧中，諸善比丘不與其同。……

(3) 七日在園林中，帝須教王：「是律、是非律，是法、是非法，是佛說、是非佛說。」

(4) 七日竟，王敕：「以步障作隔，所見同者集一隔中，不同見者各集異隔。處處隔中，出一比丘。」

(5) 王自問言：「大德！佛法云何？」

有比丘答言：常或言斷，或言非想，或言非想非非想，或言世間涅槃。

王聞諸比丘言已，此非比丘，即是外道也。王既知已，王即以白衣服與諸外道，驅令罷道。

(6) 其餘隔中六萬比丘，王復更問：「大德！佛法云何？」答言：「佛分別說也。」

諸比丘如是說已，王更問大德帝須：「佛分別說不？」答言：「如是，大王！」

【第三結集】

(1) 知佛法淨已，王白：「諸大德！願大德布薩說戒。」王遣人防衛眾僧，王還入城。王去之後，眾僧即集眾六萬比丘。

- (2) 於集眾中，目犍連子帝須為上座，能破外道邪見徒眾。眾中選擇知三藏得三達智者一千比丘，如昔第一大德迦葉集眾，亦如第二須那拘集眾，出《毘尼藏》無異，一切佛法中清淨無垢，第三集《法藏》，九月日竟，大地六種震動，所以一千比丘說，名為第三集也。
- (3) 法師問曰：三集眾誰為律師？於閻浮利地，我當次第說名字，第一優波離，第二馱寫拘，第三須那拘，第四悉伽婆，第五目犍連子帝須。此五法師於閻浮利地，以《律藏》次第相付不令斷絕，乃至第三集《律藏》。

【分析】

此處《善見律毘婆沙》敘述第三結集的緣起以及一千比丘的結集過程：先結集《律藏》，後結集《經藏》。此處雖未提及《論藏》，其內容在前面已經說過（何謂《阿毘曇藏》？答曰：《法僧伽》、《毘崩伽》、《陀兜迦他》、《耶摩迦》、《鉢叉》、《逼伽羅坩那祇》、《迦他跋偷》，此是《阿毘曇藏》）。

七、《十誦律》卷 60、61

【說明】

《十誦律》卷 60、61 是東晉罽賓三藏卑摩羅叉續譯，此中參考其他部派的律藏（善誦毘尼序）後補入，所說的五百結集不同於「根本說有部」。《十誦律》是先結集律，而後結集「經和阿毘曇」。結集時，「經和阿毘曇」都由阿難誦出，而此處的阿毘曇是限於佛所說。

《十誦律》卷 60 (善誦毘尼序卷上)

【五百比丘結集三藏法品第一】

- (1) 摩訶迦葉知安居時到，共五百比丘，王舍城安居。
摩訶迦葉清旦著衣持鉢，入王舍城，教化諸人，持飲食供養集法人，教已，摩訶迦葉自行乞食食竟，出城還至精舍，以是因緣集僧。
- (2) 集僧已思惟：何等比丘能誦毘尼明了？我等難問能隨問答，當從此人集毘尼。即念：優波離比丘，佛常讚誦毘尼，比丘中明了

第一。

念已白僧：佛常讚優波離比丘，於誦毘尼，比丘中明了第一，優波離比丘，我等問難能隨問答。

爾時，摩訶迦葉爲敷法座，優波離比丘昇高座坐竟。

摩訶迦葉問優波離：初波羅夷因緣從何處出？

優波離答言：初波羅夷，從毘耶離國須提那比丘迦蘭陀子出。

是中云何犯云何不犯？爾時，優波離廣說犯不犯相。

摩訶迦葉問阿若憍陳如：爾不？答言：爾，如優波離所說。

摩訶迦葉問阿若憍陳如竟，次問長老均陀，次問十力迦葉，次第問五百阿羅漢，乃至阿難。阿難答言：我亦如是聞，是事是法是善，如長老優波離所說。

阿難問摩訶迦葉：爾不？答言：爾。

是中長老摩訶迦葉，僧中高聲大唱：大德僧聽，初波羅夷法集竟，是法是毘尼是佛教，無有比丘言是法言非法，非法言是法，是毘尼言非毘尼，非毘尼言是毘尼，是法是毘尼是佛教，僧忍默然故，是事如是持。

摩訶迦葉復問長老優波離：第二波羅夷因緣，從何處出？

優波離答：王舍城中，爲達尼迦比丘瓦師子。

第三波羅夷因緣何處出？優波離答：跋耆國中，爲婆求摩題河邊住諸比丘。

第四波羅夷因緣何處出？答言：毘耶離國，爲婆求摩題河邊住諸比丘。

第一僧伽婆尸沙因緣何處出？答言：舍婆提國，爲迦留陀夷比丘。第二、第三、第四，皆爲舍婆提國迦留陀夷比丘。

第五僧伽婆尸沙因緣何處出？答：舍婆提國中，爲迦羅比丘彌梨迦子。

摩訶迦葉復問：云何犯云何不犯？優波離廣說犯不犯相。

摩訶迦葉問優波離竟，次問阿若憍陳如：爾不？阿若憍陳如答言：長老迦葉！我亦如是知，如優波離所說。

次問長老均陀，次問十力迦葉，次第問五百阿羅漢，乃至阿難，阿難答言：長老迦葉！我亦如是知，如長老優波離所說。

阿難問摩訶迦葉：如優波離所說不？答言：阿難！我亦如是知，如優波離所說。

如是次第一切毘尼集竟。

(3) 爾時，長老大迦葉，僧中高聲大唱：大德僧聽，如是一切毘尼法集竟，是法是毘尼是佛教，無有比丘言：是法言非法，非法言是法，是毘尼言非毘尼，非毘尼言是毘尼，是法是毘尼是佛教，僧忍默然故，是事如是持。

(4) 長老摩訶迦葉思惟：何等比丘誦修妬路、阿毘曇明了，我等難問能隨問答？我等當從此人集修妬路、阿毘曇。即時作是念：佛讚阿難比丘，於諸多聞比丘中最第一，持一切修妬路、一切阿毘曇。

迦葉思惟竟，僧中唱：大德僧聽，是阿難比丘好善學人，佛常讚阿難比丘，於諸多聞中最第一，我等從是人，了了問修妬路、阿毘曇集。如是白。

爾時，摩訶迦葉敷好高座，阿難昇高座坐竟。

摩訶迦葉問阿難：佛修妬路初從何處說？阿難答：如是我聞，一時佛在波羅柰仙人住處鹿林中。

阿難說此語時，五百比丘皆下地胡跪，涕零而言：我從佛所面受見法，而今已聞。

摩訶迦葉語阿難：從今日一切修妬路，一切毘尼，一切阿毘曇，初皆稱「如是我聞：一時」。

阿難言：爾。是時佛告五比丘：是苦聖諦，我先不從他聞法，中正憶念時，於諸法中，生眼生智生明生覺。……佛在波羅柰國仙人住處鹿林中，三轉十二行法輪已，是故是經名轉法輪經。

大迦葉問阿若憍陳如：如阿難所說爾不？答言：爾，長老大迦葉！我亦如是知，如阿難所說。

次問長老均陀，次問十力迦葉，乃至次第問五百阿羅漢，末後問優波離，如阿難所說不？答言：爾。

長老優波離問摩訶迦葉：如阿難所說不？答言：爾，長老優波離！我亦如是知，如阿難所說。

如是展轉問已，一切修妬路藏集竟。

(5) 爾時，摩訶迦葉僧中唱：大德僧聽，一切修妬路集竟，是法是毘尼是佛教，無有比丘言：是法言非法，非法言是法，是毘尼言非毘尼，非毘尼言是毘尼，是法是毘尼是佛教，僧忍默然故，是事如是持。

(6) 長老摩訶迦葉復問阿難：佛何處始說阿毘曇？

阿難答言：如是我聞，一時佛在舍婆提。爾時，佛告諸比丘：若

人五怖五罪五怨五滅，是人五怖罪怨故，死後譬如力士屈伸臂頃，墮於地獄，何等五？一者殺，二者偷，三者邪姪，四者妄語，五者飲酒。若人五怖五罪五怨五滅，是人五怖罪怨滅故，死後譬如力士屈伸臂頃，生於天上，何等五？一者不殺怖罪怨滅，不偷不邪姪不妄語不飲酒，亦如是怖罪怨滅。

長老摩訶迦葉問阿若憍陳如：如阿難所說不？答言：長老大迦葉！我亦如是知，如阿難所說。

次問長老均陀，次問十力迦葉，乃至次第問五百阿羅漢，末後問優波離，如阿難所說不？答言：長老大迦葉！我亦如是知，如阿難所說。

長老優波離問摩訶迦葉：爾不？答言：實爾。

如是一切阿毘曇集已。

- (7) 爾時，摩訶迦葉僧中大唱：大德僧聽，一切阿毘曇集竟，是法是毘尼是佛教。無有比丘言：是法言非法，非法言是法，是毘尼言非毘尼，非毘尼言是毘尼，是法是毘尼是佛教，僧忍默然故，是事如是持。

爾時，一切修妬路、一切阿毘曇、一切毘尼集竟。……

【七百比丘集滅惡法品第二】

- (1) 佛般涅槃後一百一十歲，毘耶離國十事出，是十事非法非善，遠離佛法，不入修妬路，不入毘尼，亦破法相，是十事，毘耶離國諸比丘，用是法行是法言是法清淨，如是受持，何等十事？一者鹽淨，二者指淨，三者近聚落淨，四者生和合淨，五者如是淨，六者證知淨，七者貧住處淨，八者行法淨，九者縷邊不益尼師檀淨，十者金銀寶物淨。……

- (2) 長老三菩伽僧中唱：大德僧聽，我等僧中滅是惡事，若有不智比丘，言是事不應如是滅是事應如是滅，我今當僧中作羯磨，一切僧當忍聽滅是事，如是白。

是時三菩伽，僧中唱四比丘名字，阿盤提達嚩那婆多國四客比丘，東方四舊比丘。何等阿盤提達嚩那婆多國四客比丘？一薩婆伽羅婆梨婆羅上座，二沙羅，三耶輸陀，四級闍蘇彌羅，是為四客比丘。何等東方四舊比丘？一上座梨婆多，二長老三菩伽，三修摩那，四薩波摩伽羅摩，是為東方四舊比丘。……

- (3) 是時上座薩婆伽羅波梨婆羅，語長老三菩伽：「是事今已滅竟，如法如善如佛教，現前行十籌了了問答。或有不智比丘，作是語：『今滅是十事，爲如法滅耶？爲不如法滅耶？皆不可知。』以是故，汝三菩伽，當往大會僧中使大會僧皆共普問是十事，如此我答汝，令一無異。」如是教竟，諸上座從座起，往至大會僧處，還至本坐處坐。
- (4) 長老三菩伽起合手，向上座薩婆伽羅波梨婆羅，如是言：
大德上座！鹽淨實淨不？答：不淨。
不淨，得何罪？答：得突吉羅罪。
佛何處結戒？答：舍婆提國毘尼藥法中。
大德上座！二指淨實淨不？答：不淨。
不淨，得何罪？答：波逸提罪。
佛何處結戒？答：毘耶離爲不受殘食法故結戒。
大德上座！近聚落淨實淨不？答：不淨。
不淨，得何罪？答：得波逸提罪。
佛何處結戒？答：毘耶離爲不受殘食法故結戒。
大德上座！生和合淨實淨不？答：不淨。
不淨，得何罪？答：得波逸提罪。
佛何處結戒？答：毘耶離爲不受殘食法結戒。
大德上座！如是淨實淨不？答：不淨。
不淨，得何罪？答：得突吉羅罪。
佛何處結戒？答：占波國毘尼行法中。
大德上座！證知淨實淨不？答：不淨。
不淨，得何罪？答：得突吉羅罪。
佛何處結戒？答：占波國毘尼行法中。
大德上座！貧住處淨實淨不？答：不淨。
不淨，得何罪？答：得波逸提罪。
佛何處結戒？答：婆提國跋陀婆提城爲長老婆伽陀結戒不得飲酒。
大德上座！行法淨實淨不？答：有行法淨，行亦淨，不行亦淨；有行法不淨，行亦不淨，不行亦不淨。
何等行法不淨，行亦不淨，不行亦不淨？答：殺罪乃至邪見，行亦不淨，不行亦不淨。
何等行法淨，行亦淨，不行亦淨？答：不殺等法，是爲行法淨，

行亦淨，不行亦淨。

大德上座！不益縷邊尼師檀淨實淨不？答：不淨。

不淨，得何罪？答：得波逸提罪。

佛何處結戒？答：舍婆提國爲迦留陀夷聽益縷邊一磔手尼師檀結戒。

大德上座！金銀寶物淨實淨不？答：不淨。

不淨，得何罪？答：得波逸提。

佛何處結戒？答：毘耶離爲跋難陀結戒，不得取金銀寶物。

長老三菩伽，僧中如法滅是毘耶離諸比丘十事罪。如法滅竟，便說此偈：

若人不知罪不除，他爲除罪便瞋恚。

是名無智愚癡人，日日妄失功德利。

譬如月十六日後，其光漸漸消滅盡。

若有人知罪得除，他爲除罪便歡喜。

是名有智黠慧人，日日大得功德利。

譬如月生一日後，其光漸漸轉增上。

七百比丘集滅惡品竟。
